

Bases do concurso Música nas Letras

Florencio Delgado Gurriarán

Co gallo das Letras Galegas, para homenaxear a Florencio Delgado Gurriarán e co fin de incentivar o uso da lingua galega na música creada e interpretada no concello, o Concello de Pontevedra convoca un certame musical aberto á participación dos grupos que cumbran as seguintes bases:

As bandas participantes deben musicar, con composicións orixinais, un poema ou mestura libre de versos de Florencio Delgado Gurriarán, figura homenaxeada nas Letras Galegas 2022.

Poderán participar todas aquelas bandas de calquera xénero ou estilo musical de Pontevedra ou que acrediten ter un compoñente de Pontevedra.

A lingua de comunicación, creación e interpretación ha de ser unicamente o galego.

Para inscribirse, os grupos participantes deberán remitir o tema composto en formato audio, MP3, MP4... xunto cos datos da banda, nome e compoñentes, os datos de contacto e fotocopia do DNI ou volante de empadramento que certifique a residencia, de polo menos un dos compoñentes, en Pontevedra ao enderezo alingualatexa@gmail.com.

O prazo de presentación remata o día 5 de maio de 2022.

Un xurado composto por profesionais do sector cultural seleccionará os grupos finalistas.

Os 3 finalistas comprométese a interpretar a súa composición o 17 de maio, nun acto público organizado polo Concello de Pontevedra. O Concello porá o rider técnico e a produción necesaria para a realización do concerto. Nese acto tamén terá lugar a entrega de premios.

Os premios serán:

1º premio: 1.000€
2º premio: 500€
3º premio: 250€

A interpretación das bases corresponde ao xurado. O seu veredicto será inapelable.